

集

韻

考

正

集韻考正卷之二

枚據亭藏本

瑞安方成珪

平聲二

十虞

鷓

注鷓鷓鳥名

案鷓鷓據宋本及爾雅釋鳥音義

正

鷓

注山海經令丘山有鳥名曰鷓

案卷一南山經鷓

作鷓音娛此本玉篇

鷓

注日在己曰鷓中

案已當从朱本作巳

塢

注說文塢夷在冀州陽谷

案冀當作冀陽小徐本

及今尚書作塢此从大徐

隅

注說文隅也

案隅隅亂據二徐本正

岳

注山節也

案說文岳高山之節也从山冫小徐本

有讀若隅三字

癘 注傳雅疾也 案此見廣雅釋言傳當从宋本作博

亏 注說文氣象之舒亏从亏一者其氣平也一日往也

由也 案亏譌亏氣譌氣从亏下夬从一二字平下夬

之字據說文改補又曰譌由宋本并譌白據爾雅釋詁

及漢書楊雄傳上集注正

定 注憲也 案類篇窓作窗入宀部此字當入宀部作

定爲是

孟 注方言孟朱楚之閒或謂之登 案方言五楚下有

魏字

躬 注說文躬內環也 案韋謏韋據說文正後句于

切同

蓋 注菴蓋菜名似菴 案韭謁从艸據廣韻類篇正

杆 注一曰因杆甸奴地名 案杆謁从干據宋本正

無葉字當據刪

嘔 注史記項羽言語嘔嘔 案語見淮陰侯傳嚴本从

言作謹謹非是

胸 注胸衍戎名 案類篇同據漢書地理志胸當作胸

戎當作縣

謔 注謔與舉重勸力歌也 案類篇與作輿

輿 注輿頭衣 案臬謫輿據類篇正

區 注一曰王十曰區 案爾雅釋器王作玉

區 注一曰區區不安 案類篇同廣韻下區字作隅

區 注說文魚名狀如鯁足長寸 案類篇同說文如作

似足上有無字

鯁 注俗呼爲鯁 案爾雅釋魚郭注婢上有魚字

區 注區猶華兒 案爾雅從宋本作蕪異考蕪蕪見左

思吳都賦

拘

注或作掣

案類篇同韻會掣作孽非

掾

注說文盛土放裡中一曰桴也

案於鵠放桴譌桴

據宋本及說文類篇正

輿

注說文打也或作輿

案鄭缺下挹缺邑據宋

本及說文廣韻類篇補

蚶

注方言蚶蜉齊魯之閒謂之蚶蜉

案齊魯之蚶等

字皆斷爛不全據方言十一及類篇補

輿

注說文目邪也

案類篇同二徐本邪作衰

輿

注說文菜叅也

案輿譌輿米譌菜據說文正米見

六篇木部兩刃叅也叅从干从臼此上从干亦誤

輿

注或曰

案省譌日據宋本正

輿

注博也

案輿譌輿搏譌博據類篇正

拘

注博雅拘萋叢也

案萋譌从艸據廣雅釋器上正

拘

注補拘山名

案拘譌从衣據宋本及類篇正文

不誤

佳

注說文少肉也

案臞譌佳據宋本及類篇正注少

肉類篇作肉少與許書異

拘

注鄭康成曰拘謂之拘

汪氏云此見周官屨人注

漢讀攷謂當依爾雅釋器釋文拘作救此則丁度所見

本已誤珪案爾雅作救鄭注不妨作拘士冠禮元端屨

屨青絢纒純鄭注亦云絢之言拘也以爲行戒御氏爾

雅正義云絢讀若鳩釋文引施音苦侯反故謂之救又

引謝音其俱反故鄭注作謂之拘皆以聲爲義聲又轉

相通也是丁氏等所見非誤本漢讀攷之說不必泥

麤

注織毛葍曰麤能或从爽

案葍譌葍能譌能據

太平御覽七百八引通俗文正廣韻及一切經音義二
引同

句 注寃句縣名在齊陽 案寃譌从六濟陰譌齊陽據
漢書地理志正

糴 注糴也 案糴譌糴據宋本及類篇正

狗 注爾雅馬後足皆白曰狗 案狗譌从豕類篇同據
釋畜正宋本無曰字今刪

𧈧 注說文出遼東 案說文𧈧作𧈧注遼譌遼今正
𧈧 注一曰原蠶其踊蛙𧈧 案蠶譌原蛹譌踊據宋本
及類篇正

蠖 注蠖蝮蟲名 案蝮當作蝮類篇作蝮亦誤

响 注响町正西戎君長號 案王譌正據宋本及類篇

正

懼 注恐也 案類篇恐作怖

敷 注說文施也引書用敷遺後人 案二徐本敷作敷

施作岐音義同

敷 注鋪爲華兒謂之敷于寶說 案干譌于據宋本及

晉書正

稗糶 注說文檜也或作糶 案稽譌从木據宋本及說

文正糶當依類篇从米作糶

孚 注徐鉉曰 案錯譌錯據宋本及類篇正

脬脬 注卵化也或作下 案呼譌从下據類篇正注文

亦可證

俘 注說文引春秋傳以爲俘誠 案成三年左傳同段

氏从宋本及類篇誠作賦

鴉 注鴉鳩鳥名鴉鴉也 案鴉鴉譌鴉鴉據宋本及爾

雅釋鳥正

箋 注美也 案類篇也作色

學界 注或从否 案暑譌界據宋本及注文正下馮無切扶紐不誤

將 注博雅豕也 案廣雅釋詁四豕下有豸字

穀 注瓦木燒者 案穀當从設作穀注未譌木據玉篇

類篇正

鵠 注山海經基山有鳥名曰鵠 案文見卷一南山經舊本多作鵠類篇同畢氏从廣雅玉篇作鵠

膊 注界坪也 案埒譌坪據類篇正

糶 注廩罔也 案宋本及類篇罔作網

扶 注春秋傳扶寸而合 汪氏云此本之篇韻公羊傳

卅一年作膚

杖 注博雅杖禮劍衣 案廣雅釋器上杖止作夫與禮

記少儀合

球 注山海經會稽山下多硖石 案球譌硖據南山經

及玉篇類篇正

鶴 注山海經基山有鳥六足六目 案南山經作六目
六足

將 注露髻 案類篇露下有髮字

扶枝 注說文左也古从支 案枝譌枝支譌支據說文

正

杖 注說文杖疎四布 案杖小徐本同大徐本作扶與
篆體異疎並作疏當據正

樽 注說文博桑神木日所出 案注樽譌樽據宋本及

本文正

符 注說文以竹長六寸而相合 案而上變分字據說

文補

苻 注艸名葉貪而毛 案員譌貪據宋本及爾雅釋艸

郭注正

熈 注大風也 案熈玉篇類篇同廣韻作颶

泝 注通作瀦 案構譌从方據宋本正

鳧 注說文舒鳧鷖也 案說文鳧作鳧類篇同

馱 注博雅馱蹇舂也 案廣雅釋器上作馱蹇舂也當

據正

疴 注博雅一曰病也 案今本釋詁一查王氏廣雅疏

證據此補

無 注說文音字作无无通於元者或作無 案各本說

文元獨无當以此正之又說文無本作覯無乃古文著

嘉字類篇不設

蕪 注說文蕪也 案蕪誘蕪據宋本及說文正

蕪 注木名一曰白蕪 案艸誘从木黃誘从竹據宋本

及爾雅釋艸郭注正

樞 注物之行散 案并蔽誘行散類篇同據方言二郭

注正

隳 注說文引隳陝東隳也 案今本類篇不缺隳宋本

作隳

整 注瓦器 案宋本在鶴下整上

攷 注籒也 案撫誘从示據宋本及說文正

須 注說文鬮毛也 案二徐本而作面宋本及類篇同

段氏云作而者最善之冊

鬮 注說文止也類 案說文作止類也當據乙

繡 注春秋傳紀履繡或从俞 案左隱二年紀履繡來

逆女公穀繡作綸注繡宋本作綸誤

類 注說文引楚詞女類之蟬媛賈侍中說楚人謂女曰

類 案蟬譌从虫姊爲譌女曰據二徐本正

齋 注博雅齋也 案廣雅釋獸作齋齋也齋曹憲音奴

侯反

岫 注或書作敢 案敢譌敢據宋本及類篇正

岫 注徇岫羸也 案徇譌徇據類篇正類篇人部有徇

字才部無徇字

踈 注足不相過 汪氏云穀梁昭廿年傳楚謂之跣釋

文女輒反丁氏作踈收入虞韻非也

輪 音春朱切 案春譌春據宋本及類篇韻會正

鞠 注博雅鞠謂之鞞陌 案廣雅釋器上陌作帕連

下頭字爲句此與類篇竝失其讀

掄 注門掄傾兒 案閃譌門傾下夔佞字據後漢趙壹

傳注訂補傳掄作掄音掄

輸 注說文正崩裂也 案大徐本正作繪此與類篇竝

从小徐

蝮 注或作蝮 案蝮譌蝮據類篇正

蕒 注菜莢椒子聚生成房兒 案蕒譌蕒注同又注菜

譌菜竝據類篇正

浚 注博雅屎也 案廣雅釋言作屎浚也

笨 注博雅笨籩謂之笨 案笨譌笨據宋本及廣雅釋

器下正

株 注說文引詩靜女其株或作媧株 惠定宇云十二

篇女部媧下曰好也引詩靜女其媧此三家詩也毛詩

作殊

芻芻 注俗作五莖非是 案韻會引作五莖

芻 注說文从芻莖養牛 案從當依說文作以二徐本

莖竝作莖段氏據此及類篇文選七發注初學記牛字

注正

櫛 注廣雅櫛秦柶也 案秦譌秦據宋本及釋器上正

袪 注博雅詛也 案今本廣雅未見王氏增錄於釋言

後

殊 注山海經耿山有獸狀如狐而魚鱗有翼 案卷四

東山經殊止作朱此本廣韻畢氏謂从犬非是又魚下

經無鱗有二字

几 注說文鳥之短羽飛几几然 案几當從宋本及說

文作几注然大徐本作也小徐本無

儒 注漢倪寬儒於武 案前漢書倪作兒讀若倪

孺 注火色一曰色童也 案類篇也作落今據正

戮 注博雅殺也 案廣雅釋詁一止作誅類篇與此同

麻 注博雅麻也 案王本釋艸作麻也謂麻也係

下文麻上不知發何字

鵝 注山海經拒山有鳥 案拒謔从手據卷一南山經

正

朝 注朝那縣名 案朝那縣屬安定郡見漢書地理志

此那謔从尹據宋本正

桀 注說文桀雙也 案桀謔各據宋本及二徐本正

腹樓 注一曰祈穀食新曰離樓或从示 案腹謔樓據

宋本及大徐說文正小徐本無離字樓當从類篇作樓

注文亦可證

婁 注古作婁 案說文婁古文作𡗗此云古作婁未詳

鄭 注南陽樓鄉 案樓譌从木據說文正

羹 注說文艸也可以烹魚 案烹當从宋本作亨二徐

本與此同

逾 注說文越進也引周書無敢昏逾 案大徐本越作

越段氏从之此从小徐昏宋本上从民與各本台段校

从氏

瑜 注說文瑜瑾美玉也 案類篇同二徐本竝作瑾瑜

史 注說文束縛捽推爲史 案當从說文申部作史類

篇作史亦誤史古黃字舊本說文艸部黃下作史段氏

校正如此

掄 注邪掄手相弄 案韻會手上有舉字此與後漢書

王霸傳注同

敬 注說文歌也 案此係新增字

藉 注色墮落 案宋本墮作墮類篇同

百 注博雅杼也 案杼譌杼類篇同據廣雅釋詁二正

輪 注輪輪舟名 案輪輪譌輪據宋本及類篇正

十一模

模 注一作撫文一十一 案模譌从手據宋本及本

文正文下一字當作二

菁 注菁餘榆醬 案論語餘據說文及楚辭大招王注

正

塋 注規度墓地也方言凡葬無墳謂之墓 案方言十

三葬下有而字下文湖模切塋注規度墓地地譌也據

郭注及篇韻類篇正

鱒 注博雅鱒鮮鱒也 案類篇同王氏謂今本釋魚鱒

謬从菊惟影宋本不誤

庸

注石文見兜

案宋本作庸誤說文及類篇竝入尸

部

播

注楊補戲也

案宋本播作播

莩

注莩植收亂艸

案植謬从木據宋本及廣韻類篇

正

趙

注趙趙伏也

案廣韻趙字趙字注皆云伏地此專

訓伏亦通

撲

注撲刺擊名在武威

案漢志作撲刺孟康音蒲環

此撲从木刺从裏竝誤

餽

注莊子守餽觀

汪氏云莊子外物篇作餽餽

菩

案類篇有菩字薄胡切梵語菩提漢言正道此失收

撫

注模也

案模謬从木據類篇正

殲 注殲也 案宋本殲作殲

殲 注說文从二鹿篆从土 案二當作三 汪氏云說

文殲鹿行揚土也別是一字非殲篆文珪案說文補音
殲倉胡切殲直珍切

祖 注俗作祖 案廣韻祖作祖

跋 注博雅跋跋也 案廣雅釋言跋曹憲音錯古反

跋作跋

俎 注說文引虞書放勛乃俎 汪氏云今說文無放字

據宋小字本及小徐本容齋續筆同汲古本有放字落

字非

菹 注菹茹艸名 案茹謂茹菹宋本及類篇正

闔者 注說文因開城門臺也或从土 案十二篇門部

闔注城內重門也此闔作因誤闔注闔闔也城門臺之

訓見毛詩傳非叔重語堵與闢異義此未詳所本

𦍋 注一曰椎之大者故俗謂仗頭大爲𦍋𦍋 案杖譌

仗據類篇正

廩 注廂廩屋不乎 案平譌乎據類篇及前奔模切廂

注正

逌徒 注說文步行 案二篇是部徒从辵土聲隸作徒

此从土誤

涂 注說文水出名益州牧靡南山 案說文無名字宋

本及類篇竝有

椀椀 注木名楸也或作椀 案椀譌椀據類篇正椀當

从宋本及正文作椀

荼蘼 注說文折竹篋也 案折說文暨類篇荼注同段

从宋本及類篇蘼注作柎

圖 注一曰謀俗作奇非是 案謀下夬也字居譌奇據

宋本補正

磨 注一曰屋平曰磨 案磨下夬一麻字類篇同據廣

韻引通俗文補

駮 注獸名說文黃牛虎文 案說文馬部駮下云駒駮

也牛部徐下云黃牛虎文此誤并爲一類篇亦承其誤

今依廣韻增徐字

鄒 注說文馮翊邵陽亭 案馮上夬左字據說文補邵

類篇王伯厚詩地理考正同毛本祁本竝譌鄒

數 注周書數丹雘 案此見周書梓材疏說文又引作

數

墟 注說文黑剛土也 案說文無黑字此與尙書禹貢

釋文及類篇所引同可據以補許書之闕

蠶 注說文蠶也 案說謬从鼠據說文正

顛 注說文頭顛首骨 案頊謬頭據二徐本及類篇正

腫 注目腫子 案腫當从類篇韻會作壘

瘧 注瘧病 案瘧謬瘧據宋本及類篇廣韻引集略正

朱本病下衍壺字

樞 注說文有樞樞焉夏熱 案小徐本同大徐本熱作

孰

杼 注黃杼木名可染 案杼謬杼據類篇及本文正

蠶 注方言言守宮秦晉或謂之蠶蚘 案方言八作蠶蠶

郭音盧纏此蠶作蚘誤

駮 注博雅離也 案廣雅未見

離 注說文離鷓也或作鷓 案離謬鷓據類篇及本

文正

𪔐 注瓠瓜匏而圓者 案瓠匏竝譌从夸據類篇正

𪔑 厚 注古作厚 案類篇厚作𪔑今據正

胡頡 注或作頡 案頡譌頡據類篇韻會及本文正

壺 注說文从大象其蓋也 案許書篆作壺故有从大

之說宋本及類篇竝作壺

黏 注說文黏也 案注黏譌从古據說文正

醜 醜 注或从互 案醜譌醜互譌互據類篇韻會正

湖 注說文火𪔑也 案大譌火據宋本及說文正

𪔒 注卽今時魚 案𪔒譌𪔒據爾雅釋魚正時類篇作

𪔒或作𪔒竝通

𪔓 注說文斬𪔓鼠黑身之𪔓若帶類狼蝨之屬亦𪔓作

𪔓 案小徐本斬作𪔓此从大徐白𪔓譌之𪔓據宋本

及說文正猿二徐竝作𪔓當从宋本及類篇作𪔓

跼 注跼跪夷人屈節禮 案郝譌節據宋本及類篇正

蜚 注蜚屬 案蜂譌蟬據宋本及類篇正

張 注彌張帷帳起兒 案張譌帳據宋本及類篇正

派 注水起鴈門後人戊夫山 案戊譌戊據宋本及說

文正

觚 注說文一曰觚受三外者謂之觚 案升譌外據宋

本及說文正

柶 注說文稜也一曰柶稜殿堂高處 案稜譌从禾據

說文正殿堂高處二徐本竝作殿堂上最高之處也此

省文

簞 注博雅筥簞也 案廣雅釋器下簞作籜

監 注陳楚謂鹽池爲監 案監譌盥據宋本正注文不

誤

瓠

注瓠譌漢侯國名在河東 案前漢孝武功臣表有

瓠譌侯杆者師古注瓠讀與瓠同此作瓠誤

估

注專權也 案權譌權據類篇正

甦

注博雅息也 案王本廣雅釋詁二甦作甦此與類

篇同

舳

注一曰舳也 案舳譌舳據宋本及類篇正

棹

注棹槐木四布 案木下查枝字據類篇及前孤紐

本字注補

拈

注持也易剗木爲舟禮拈越內弦 案易下拈譌剗

據類篇正拈亦當依儀禮鄉飲酒禮及類篇作拈

拈

注博雅拈煇曝也 案廣雅釋詁二拈作拈曝王校

本作乾說已見前

拈

注廣雅拈拈制也 案釋親作拈拈曹憲音括甫此

骷作骷音空胡切豈丁氏等所見本不同耶宋本及類
篇轉竝作骷

結

注結餅

案飢餅譌結餅據宋本及類篇正

嘖

注說文嘖也

案小徐本嘖作號此當从大徐本及

類篇改嘖

溲

注或作漉

案漉譌从欠據宋本及注文正

埤

注埤也

案埤譌埤據類篇正

吾

注一曰捧名

案捧譌从手據宋本及古今注正

吳

注徐鍇曰大言故矢口以出聲古作吳 案說文

十篇矢傾頭也補音阻力切吳字从之此下譌从矢據

宋本正注矢亦當作矢吳當从大徐本作𠄎

瑛

注博雅瑛瑛石之次玉者或作瑤 案廣雅釋地作

瑤

著

注說文引楚辭有著蕭艸

案蕭譌从竹據說文正

溪

注戎人名唐有鐵利鞋鞞溪地蒙

案類篇地作池

烏路終

注說文孔子曰烏呼呼也古作路終

案烏係

烏字之譌類篇兩作吁誤路終二徐本並作路終今據

正

洿汗

注或从干

案于譌干據宋本及本文正

朽

注說文所以塗也秦謂之朽

案大徐本塗作涂此

从小徐朽譌朽據二徐本正嚴氏所見宋本作朽亦誤

楸

注青柿也

案類篇柿作柿柿並俗據說文當作

楸

弜

注說文滿挽弓有所向也

案說文無挽字當據此

及類篇補向說文作鄉

歟

注說文口响也

案類篇同二徐本並作口相就

零 注地名 案宋本零作擘非

劔 注除田艸刀 案刀當从類篇作刀

十二叁

叁 注俗作查非是 案說文叁作齊查當从宋本改齊

齋 注說文臍臍也 案說文臍作齋類篇正文及注並

同當據正

商 注列子商扁周穆王車右 案宋本及類篇商作商

又扁列子作商類篇同

劑 注前劑也古作劔 案翦譌前據爾雅釋言正類篇

劔作劔

西 注說文古作鬲 汪氏云說文作鬲此當以鬲爲正

棲 注通作西 汪氏云說文棲西或从木棲是亦西字

重文

嘶 注馬嘶 案注鳴譌嘶據類篇正

嘶 注經嘶焦兒 案煙譌从糸據類篇正

誓 注說文悲聲也 案說文作誓从言斯省聲此不省

非是

鷓 注博雅鷓鴣怪鳥屬 案鷓鴣類篇同據廣雅釋

鳥 玉篇鷓鴣東夷鳥名

躋 注說文引商書予頌躋 案段本及類篇同予上毛

本有告字祁本作若竝非

憺 注儋疑猶猜疑 案憺譌从人據宋本及類篇正

齧 注鄭康成曰凡醯醬所和細切齧 案切下齧爲字

據宋本及周禮醢人注補

齋 注炊疾 案炊下齋補字據類篇及上文前西千西

二音本字注補

妣 注博雅婢妣短也 案今本廣雅釋詁二作妣婢王

氏據此及篇韻類篇正

緹 注說文絲緯也 案津譌从糸據二徐本正

腓 注歷腓強脂也 案膺譌歷據玉篇類篇正宋本下

从日亦誤

羝 注說文羊也 案羊上查牡字據二徐本補

鷓 注說文鷓鴣也 案毛本作鷓祁本作鷓此正文及

注異體當依類篇並作鷓

題 注說文頷也 案頷譌从名據宋本及說文正

幘 注博雅幘幘謂之幘 案廣雅釋器上幘作幘今據

正

僊 注僊僊行跛 案僊譌僊據類篇正說文作僊

棖 注補棖也 案補譌从雨據宋本及類篇正

鵝

注說文鵝鵝汗澤也

案類篇引同說文鵝作胡汗

作汚

鵝

注博雅鵝鵝子鵝也

案類篇引同廣雅釋鳥鵝作

鵝

鵝

注博雅鵝眉鵝也

案雅語鵝據宋本正肩當从宋

本及廣雅釋鳥作肩

鰩

注山海經少室山休水出爲其中多鰩魚 案焉謬

爲據宋本及卷五中山經正畢氏云鰩俗字當作鰩

藎

注滿侯莎其子藎

案爾雅釋艸滿作滿其子緹作

其實媿夏小正作緹

祝

注喪禮首服

案祝語从示據類篇正

藜

注或作藜

案宋本作藜誤

驛

注或从驛

案依注說則字當作驛宋本不誤

禾 注說文禾之出頭止不能上 案正文禾及注文木

皆譌禾據宋本及說文正

笄筵

注或作一

案筵字斷爛據宋本及本文補

鋪

注博雅豎也

案王本廣雅釋詁一於豎下補豎字

軒

注車 轄

案空處是兩字據宋本及周禮夏官大

馭注補

谿

注說文山瀆無所通也或从水从山石 案大徐本

無作无此从小徐二徐本也竝作者今據正石上當增

一从字

𦉳

注說文一曰

視

案空處是直字據說文補

層

注說文屍也

案層从尸旨聲此从尼从日誤屍舊

譌屍段氏據此及類篇正

𦉳

注博雅𦉳𦉳𦉳也

案王本廣雅釋器上作𦉳𦉳

醴 注說文以鬻酒並省 案从譌以據宋本及說文正
訊 注 不 見 案不上缺喜笑二字不下缺止字

據宋本及類篇補

兮 注說文象气越兮也 案注兮譌兮據說文正

奚 注一曰阿也 案何譌阿據小爾雅廣言正

甾 注說文水蟲羸駱之民食之 案貉譌从馬據說文

正

謨 注謨詢怒也 案謨譌謨據類篇正

縶 注說文絳衣也一曰赤繫縶 案說文絳作絳縶上

有色字

褻 注褻裕次衣 案次譌次據類篇裕注正褻注與此

同誤

警 注方言欬警然也 案欬譌欬據宋本及方言十正

嬰 注釋名嬰是也言是人 案釋名人下有也字

規 注說文嬰也 案嬰下查規字據說文補

觥 注觥是縣名在西河郡 案此見前漢書地理志類

觥是作氏誤

郿 注說文齊也 案地謠也據說文正

崔 注谷名在西縣 案崔類篇同據字當从宋本作崔

圭紐字皆从圭得聲也

桂 注說文卅又可以割麥 案卅大徐本及類篇作桂

小徐本作卅宋本作卅又二徐本竝作又宋本同段氏

校本作卅又

莖 注爾雅莖莖益也 案釋艸無也字

睽 注說文耳不相聽也 案易睽卦釋文引作目不相

視盧氏云作覩乃妄人所改聽者順從之意此目謁耳

據宋本及說文正類篇不誤

聃

注一曰私叶也 案吁誘叶據類篇正

陸

注陸踴搏物兒 案類篇搏作搏

陸

注一曰目營 案蔣譌營據類篇正

鶴

注說文周燕也从佳少象其冠也同聲 案鶴上从

中下从向此作鶴注其作具並誤爾雅注以鶴周爲燕

別名二徐本周上無燕字乃讀連篆文之證

鶴

注說文覺也一曰日旁氣制日 案養鶴覺據宋本

及說文正刺當从周禮春官眠殺注作刺

勗

注博雅勗也 案明勗削據廣雅釋言及類篇正

蜀

注或作壽 案壽字類篇入母部此下从母非今曹

刺亦多誤蓋失于校正也

編

注說文雜綱中繩 案說文網作網廣韻同此與類

篇並誤

講 注目伐也 案自講目據類篇正

炷 羅 注或作羅 案類篇火部羅作煙

桎 注說文桎柘 案柘譌柘據宋本及說文正

婢 注婢妣短也 案妣譌从比據廣雅釋詁二及類篇

正

解 注牛角橫 案類篇同宋本橫作橫誤

攬 注說文手擊也 案手上夔反字據說文補

鏹 注方言箭鏹廣長而薄鏹謂之鏹

詒議案校語鏹方言九鏹作鏹

棹 注說文圓楫也 案楫譌楫據宋本及說文正

罽 注麴葉謂之罽 案葉當作葉類篇亦誤

遶 注鹿跡一曰鹿煤 案遶譌遶注煤譌煤據宋本及

類篇鹿部正

覲 注說文病人視也或作覲 案說文作覲當以覲爲

正類篇亦先覲後覲

彌 注嬰彌嬰兒兒 案嬰譌从殿據類篇及禮雜記注

正

籥 注筍竹 案筳譌筍據類篇正

隼 注傾頭作態也 案隼譌隹據說文類篇正

十三佳

啓 注廣雅笑也或作訖 案釋詁一夔王本據此補

哇 注語聲 案詔譌从自據說文玉篇正

霰 注霖雨也 案宋本作霰亦誤今從類篇定作霰

媯媯 注緇作媯 案媯譌媯據宋本及說文正

調調 注或作調 案調譌調據宋本及類篇正

歐 注媯也 案宋本媯作媯說文有媯無媯今據正

駟 注黃馬黑喙 案此本說文爾雅釋畜黃作白郭注

今之淺黃色者爲駟馬是爲二書作調人也

葵 注物不齊也 案廣韻葵作萃本書後文火龜切亦

與廣韻同

詭 音玉岡切 案五諺玉據宋本及類篇正

籀 注大桴曰籀 案籀當从正文作籀類篇从手作籀

亦誤

攏 注牛名 案類篇攏作攏

息 注一曰呼彼稱 案息上从中此从山誤廣韻彼下

有之字類篇無

义 注手指相錯 案說文又兼又部則作义非是凡从

又者宋本皆不誤

差 注說文貳也不相值也籀作𠄎 案說文差作𠄎不

上又有差字

剗 注小稍 案稍諺从禾據宋本及類篇正

頤 注頤頤頤考 案頤諺頤據類篇正

皆 注博雅睚皆裂也 案廣雅釋詁二皆作眦

扱 注文二 案二當作三

稅 音居住切 案尼譌居據類篇正

脫 注楚人謂乳爲脫 案宋本及類篇脫下並有乳字

今據補

憚 注憚恂自容入也 案人譌入據類篇正

十四皆

階 注說文陞也 案陞譌陞據宋本及說文正

馘 注壯瓦謂之馘 案壯譌壯類篇同據廣韻正

解 注爾雅解若英茫 案釋艸音義解郭音皆光本或

作荒

皆

注獵狗也

案類篇同廣韻狗作狗非

械

注鄭成曰若今令辟械

案此見考工記匠人注鄭

下套康字據宋本及類篇補又鄭注辟作臂當以此正之

措

注措擇摩甄也

案廣雅釋詁三措下套擗字王本

據此及類篇補原本摩作磨摩磨古通用甄係訓磨一則第六字措擗係三十四字此甄字當刪

斂

注裁至也

案斂當从類篇作斂

菜

注說文戾也

案說文作煎棘作菲上不从艸此與

下艸作竹同誤

礪

注或作礪

案礪譌从土據宋本及注文正

裏

注說文曰快也一曰裏也

案上曰字衍據本書通

例刪類篇彙作囊

淮 注說文水出南陽平氏桐柏人復山東南入海 案

淮从佳誤注大譌人據宋本及漢書地理志注正

巖 注巖巖不平 案巖據宋本及注文正

患 注方言江湖間凡言是子謂之患 案江湖間方言

十作湘沅之會類篇作江湖之間

篔 注竹器 案廣韻作筵以篔爲俗非說文有篔無筵

且字从徒得聲也

親 注竊免 案色譌免據宋本及類篇正

差 注差也擇也 案宋本作差凡偏旁从差者放此

齋 注或齋 案或下查作字據類篇補齋當作齋

牌 注篋牌籍也 案廣雅釋器下篋作篋前十三佳牌

注及類篇同今正

擗 音尼皆切注博雅指擗摩也 案尼譌足據類篇正

注說已見前

頤 注頤肤兒 案類譌从百據類篇及廣韻引聲類正

頤當从宋本作頤

瞞 注視也 案類篇瞞作瞞

擗 注方言損也 案方言未見

擗 音崇慎切注頤也 案楚譌崇類譌頤據宋本及類

篇正

十五次

次 注說文从火又又手也 案又譌又宋本亦譌又據

說文正

𦉰 注或作𦉰 案𦉰類篇同宋本从瓦作𦉰非

𦉰 注𦉰𦉰也劉昌宗說 案此見考工記車人注釋

文劉音承說當作讀

頤

注一曰人頭

案大譌人據宋本及廣韻正

鄒

注漢文國名

案侯譌文據宋本及漢書高祖功臣

表正師古鄒音陪

候

注廣雅候蓬查也

案遷譌从艸據宋本及釋器上

正

隈

注一曰匡內爲阻外爲隈或作隈

案陝譌阻據爾

雅釋丘正隈釋文本作物班志顏注引轉詩作隈既疑

阮譌今本作隈釋文隈烏回切物九六切似非一字

纒

注斷色絲兩細中而糾之

案紐譌細據宋本及類

篇正

歲

注歲鬼不平兒或作鬼

案歲異之異譌作鬼據宋

本及類篇正

傀瓌 音始回切 案瓌類篇同宋本作瓌誤始回當从

宋本及類篇韻會作姑回

回回 注古作回 案古回字當从正文作回

槐 注守官也 案宮譌官據宋本及爾雅釋木正

邪 注鄉名在睢陽 案類篇同篇韻邪竝作邪

桅 注舟上帆 案帆下夔十字據宋本及類篇韻會補

廣韻作竿義同

砢 注以石投下或从追 案小譌以據類篇砢注砢注

正

廡 注說文屋從上傾下也 案大徐本從作从此本小

徐

自 注說文小鳥也象形 案自譌自據說文正

堆廡 注或作廡 案廡譌廡據類篇厂部正玉篇廡亦

堆字

鍤 注說文下垂也或書作鑿 案說文作鑿隸作鑿當以鍤爲或體

襍 注棺覆 案襍譌从示據類篇衣部正後徒回切同 醕 注醕醕面陋 案醕譌从古據類篇正類篇面部有

醕無醕

鍤 注鍤也 案鍤字當从抱朴子僊藥卷作鍤

屨屨 注方言屨粗者謂之屨或从委 案屨當作屨方言曰注屨他回反字或作屨音同則當以屨爲正

譴 注江南呼欺曰譴 案江南宋本同方言三注作汝南注譴譌从遣類篇并譌作譴據宋本正

墜 注說文下墜也 案二徐本墜並作隊

頽 注牛頽艸名或从頽 案宋本頽作墜從作从今據

正

債

注頃也

案順譌頃據類篇及前十四皆呼乖切本

字注正

魁

注說文神獸也

案此新修字義十九文之一段本

無

弟

注弟靡不窮兒

案此見莊子應帝王篇盧氏釋文

考證弟正字通作弟後來字書因之而於古未有也列

子黃帝篇作茅注不字殷敬順釋文同或改困非是

颺

注風也

案颺誘从責據宋本及類篇正

低

注低徊不進兒

案不上復疑字據宋本及類篇補

梭

注杼摩

案手譌杼據宋本正

欄鬪編

注或缶从金亦書作壘編

案壘下編譌編據

宋本正類篇作編亦誤

甌

注屋穩瓦也

案穩當从宋本作穩廣韻穩屋脊也

福

注劍飾

案福諷从示據宋本及類篇衣部正

靡

音蘇回切

案宋本及類篇韻會蘇皆作蘇

蕤

注華葉下垂兒

案此書凡从衰者皆諷蕤此作表

催

尤諷注藥中諷从三止據類篇及文選南都賦正

催

注說文引室人交徧催我

案引下套詩字據宋本

及類篇補

縷襖

注或作縷

案縷諷从木據類篇及本文正

蕤

注艸木葉菱兒

案垂諷菱據類篇正

摧

音昨回切

案類篇韻會並徂回切徂昨同從母

崔

注說文山高也徂又作確

案二徐本山作大宋本

同注又宋本作文今據正

構

注以木有所擣也

案說文構不从小類篇从尙作

檣亦誤

栝罔 注說文罔也 案重文當作罔注罔誤从韋據說

文正

瘞 注弦病 案類篇瘞作疰弦作結以玉篇疰訓瘞結痛之義考之當从類篇

胚 注說文婦孕一月也 案胚誤胚據說文正

𩇛 注說文凝血也或書作盃 案盃當从宋本作盃下从血

坏怀怀 注或作伍胚 案坏爾雅釋山作坯今據正怀
怀正文與注異體據爾雅釋文廣韻類篇及宋本參校
當从注文

妾 注人無行 案妾誤妾據宋本正妾乃毒之或體類
篇母部毒下失收

裴 注說文長衣兒或書作裴 案說文作裴當以裴爲

或體

俳 注俳徊便旋也 案類篇徊作佻今據正

鄺 注說文古扶風鄺鄉 案右譌古據宋本及說文正

倍 注或作負 案負上譌从力據類篇正

际 注莊子曰中六际 案穴譌六據莊子庚桑楚篇正

枚 音謨杯切 案宋本及韻會謨作謀類篇與此同謀

謨同明母

梅 注說文枿也或作謀 案枿譌从冉枿譌从示據宋

本及說文正

騶 注說文罔也 案二徐本罔並作罔

梅 注海本曰梅 案酒譌海據廣韻類篇正

母 注艸盛上出也棘作母 案類篇母作母母作母爲

是

𧀮 注豆其下葉也 案𧀮譌𧀮據類篇正

十六哈

哈 注說文蚩笑也 案哈係新增字蚩當作蚩

改 注毅改剛卯也 案說文玉篇皆無改字類篇作改

入自部尤誤

開開 注說文張也古作開 案說文鼎古作𧀮此作開

誤注云古作開則仍是俗隸殆傳錄之譌也

毅 注毅改剛卯也 案類篇改作改爲是

咳 注博雅咳皆威也 案廣雅釋言備咳威也無皆字

咳 注音咳漢倉公脉書 案奇譌音據宋本及史記倉

公傳正脈當从類篇作脈

陞 注方言清也江南人呼梯爲陞 案陞譌河梯梯

據宋本及方言十三郭注正

畢 注馬一歲 案說文作馬从馬一絳其足讀若弦一
讀若環小徐本弦作絃蓋絃字之誤此與類篇作馬音
孩未詳

駮 注一曰麋中瑰 案塊譌瑰據宋本及類篇正

毒妻 注或作妻 案說文毒上从土下从母此从土母
非妻亦當从宋本作妻

皚 注說文霜雪之皃也 案白譌皃據說文正

鯁 注鯁鯁壯蟹 案牡譌壯據類篇正

劉 注說文大鑊也 案錄譌鑊據宋本及說文正

郤兼釐釐 注或作釐釐釐 案起譌釐據說文類篇正

玲 注龍文之圭曰瓊玲 案類篇本字注曰上有一字

玲下有也字非是

鮪 注說文海魚也 案大徐本也作名此與類篇竝从

小徐

駘 注馬名 案鳥譌馬據宋本及廣韻正

能 注爾雅鼈三足 案足下夔能字據宋本及爾雅釋

魚補

來 注說文象芒束之形或从彳 案束譌東據說文正

宋本或作古非是

邾 注在滎陽縣東 案宋本及類篇滎作熒

簾 注說文強曲毛可以箸起衣 案說文及類篇強竝

作彊今據正

棟 注木名材中車輞 案木上類篇有棟椌二字今據

補

顯 注俗从囟非是 案肉譌囟據宋本及韻會正

猜 音倉來切 案猜紐七字朱本及類篇韻會竝倉才

切今據正

𠄎 注說文從一雝川 案大徐本從作从此與小徐本

同

𠄎 注方言籀也 案盧本方言十三籀作𠄎

𠄎 注禹貢蒙山谿大渡水東南至南安入𠄎 案說文

𠄎作𠄎段氏據此及漢書地理志蜀郡下師古注正廣

韻𠄎作𠄎亦誤

𠄎 注博雅視也或作𠄎 案廣雅釋詁一作𠄎

才 注說文艸木之初生也 案二徐本無生字廣韻類

篇韻會同今據刪

芽 注博雅蘗芽蔽也 案蔽譌作蔽據廣雅釋艸正

籩 注鼎圖籩 案籩下夔上字據朱本及爾雅釋器補

勑 注壯也 嚴氏云勑宋本从木非也此字从才聲

軀坏 注爾雅山一成曰軀韋昭讀或作坯 案釋山音

義韋昭坏音軀非作軀也此誤正文坏當从注文作坏
爾雅類篇皆可證說文則从不作坏

梏 注姓也 案廣韻作櫛誤梏生見漢書爰盎傳

十七眞

篋 注博雅篋箴箭也 案箴譌从攵據廣雅釋艸正

甄 注博雅甄甸窯也 案王本廣雅釋室窳埃謂之下

空一字本句讀與此同

磧 注博雅磧磻磧磧也 案廣雅釋室無磻字王氏據

此及類篇文選西京景福殿二賦注補磻字於磻字下

磻音昔字因譌磻今正

帳 注方言飲馬橐燕齊閒謂之帳 案句見方言五盧

校本飲作飮云飮古飼字舊作飲非宋本及類篇韻會均不誤

駢 注駢驢馬載重難行兒 嚴氏云行字衍珪案駢凡八音知鄰離珍丑忍三切並云馬載重難也知忍切馬重也陟刃切馬載重行也株倫止忍二切與此之人切訓同兒作也今悉仍之

申 音外人切說文从臼自持也吏以瞞時聽事案升譌外據宋本正 當從宋本及類篇作 中不斷又 譌曰 瞞 瞞 並依二徐本

叟 注說文引也 案說文又部作 叟 从 古文申此參隸體當從類篇作 叟

身 注說文躬也 案小徐本與此同大徐本躬作躬

呻 注馬獸驚兒 案烏譌馬據宋本及廣韻正

祔 汪博雅祔祔祔也 案廣雅釋器上柶柶柶三字皆

从衣柶下柶上有株字

讓慙 注亦作慙 案注文不誤類篇亦可證

辰辰 注說文雷電振民農時也古作辰 案說文雷作

雷古作辰之辰當从宋本及正文作辰

晨震 注从臼从辰辰時也籀作震 案晨上譌从臼據

說文正震乃籀文農非晨字籀文宋本時下也上誤衍

辰字

宸 注說文賈逵曰室之奧者 案逵譌達據宋本及說

文正

椽 注挾祿屋端也 案祿當从類篇及正文作椽

儿 注說文仁人也古文奇字 案大徐本奇字下有人

也二字小徐本有人無也毛氏增韻云秃亮从儿俗作

几非

辛 注說文金剛味辛也又辛痛卽泣出 案也又二字

衍

津

注說文渡也 案渡上夬水字據宋本及說文補

聿

注說文聿飾也 案注聿飾譌聿飾據說文正

盡

注說文从血聿聲或書作盡 案廣韻盡作渣類篇

作猶據字旣从血則當作盡盡渣渣各書並譌

秦森

注古作森 案森譌森據類篇正宋本上从今亦

誤

嫫

注女字 案嫫下辰上宋本有此三字今據補以足

秦紐文九之數

闕

注說文闕也从門 案闕字見門部从門賓省聲類

篇載溫公語亦曰闕當作闕此作闕誤从門當依宋本

作从門

賓

注說文所敬也古作賓 汪氏云說文作賓當以賓

爲正

儻

注孔穎達曰賓以禮曰儻 案賓上變接字據禮運

儻鬼神疏補

類

注水佳也 案類當作類注尾譌佳據宋本及毛詩

采蘋傳正

蟻

注水荅也莊子蝻蟻之衣 案苔譌荅蛙譌蝻據宋

本正莊子至樂篇蛙作鼃

頻類

注說文頻蹙不前而止古作頻 案類譌類據說

文正

鞞

注說文涉鞞蹙 案涉下變水字據宋本及說文正

說文鞞亦作鞞

蕢 注說文大萍也 案大徐本作辨宋本同此同小徐

縑 注構衣也 案構譌从木據玉篇類篇正

民𦵏 注說文𦵏萌也古作𦵏 案古文民大徐本作𦵏

小徐本作𦵏段校改𦵏無作𦵏者類篇作𦵏亦誤又說
文萌作𦵏段氏據此及類篇韻會正

閱 注鄉名 案說文𦵏部閱中从目从𦵏此譌从𦵏下

𦵏 注并譌从𦵏今並校正

𦵏 注旗𦵏 案旗譌从𦵏據宋本及玉篇類篇正宋本

𦵏 下有也字

𦵏 注說文俗以夜市 案二徐本俗上並有民字類篇

無

𦵏 注气分 案𦵏譌从𦵏據類篇欠部正

𦵏 注說文山在蜀蒲氏西徼外 汪氏云此及播𦵏三

字說文並从昏與緝錯同

閻 注說文東南越蛇種 案大徐本虫部種作種此从

小徐

敗 注視兒或作暗 案宋本暗作暗

恣 注說文彊也亦作啟 案類篇啟作啟與注文合

今據正

緝 注說文吳人解衣相彼謂之緝 案被譌彼據宋本

及說文正

錯 注博雅稅也 案廣雅釋詁二錯作錯

毘 注博雅兔兔毘 案今本夔王本釋器上置兔毘

也下據此增錄謂毘字衍

昏 注說文昏也 案蟲譌昏據說文正

鶻 鶻離離鶻 注或作離離離 案鶻說文作鶻山海經二

西山經作鷓注引二書而不收鷓鷓何也雖當从類篇

及本文作鷓

良注竹膚也案篋譌从艸據宋本及說文正

泯注山海經空桑之山西望泯澤案卷四東山經泯

作潛

陳陴音地鄰切注古作陴案池譌地據宋本正說文

自部古文隹作段古申字

羸羸羸羸羸注籀作羸古作羸案籀文當从大徐本

說文作羸小徐本作羸省文耳古文類篇作羸羸存參

鄰隣注或从自案說文作鄰隸作鄰此隣上加ノ非

重文作隣俗作隣尤誤

隣注馬班文案班譌班據爾雅釋畜郭注正

隣注說文引詩盧隣隣案此齊魯二家詩也毛詩作

令韓詩作冷

鰲

注說文魚也 案鰲譌从教據說文正

麟

注說文大牝鹿也 案大徐本及類篇引同小徐本

牝作牡段氏从之

十八諄

諄諄

注說文告曉之執也 案諄當作諄諄係說文本

字當以爲正

𦉰

注說文面須也 案須譌須據宋本及說文正

𦉰

注古作𦉰 案𦉰下譌从具據類篇正

焯

注博雅明也 案廣雅釋詁四焯作焯

雜

注說文鶴屬 案二徐本鶴竝作雉

𦉰

注說文憂也或作𦉰 案𦉰譌𦉰據宋本及本文

正

膊

注股骨也 案類篇股作脛

巷

注艸名 案巷譌从共據類篇正

紉

注采文也 案類篇采下有成字今據正

滑

注說文眞諸河之滑 案眞譌眞據宋本正說文無

諸字當據此及類篇補

循

注躡循逡巡也 案巡譌从及據類篇正

純

注春秋傳有純門 汪氏云莊廿八年釋文純如字

襄十八年釋文純如字又市苟反此船倫切疑卽市苟

之音陸氏反切與丁氏閒有出入也

苟

注說文艸也 案此係新坵字

恂

注說文信心也一曰均也樂也懷也通作恂 案心

字樂字竝斷爛慄譌懷通作洵之洵譌恂據宋本及說

文詩溱洵釋文禮大學注疏正

洵

注說文洵水中也 案類篇同二徐本洵作過段氏

據水經陰溝水注改作過水出也

珣

注說文醫無閭珣玕璣一曰器也 案說文璣作璣

段氏據此及類篇正器也二字二徐本竝作玉器類篇

引與此同

逡

注亦作遁 案賈誼過秦論遁巡而不敢進遁師古

音千旬反

埶

注土舞也 案說文埶入土部此从土非

緘

注說文細皮起也 案此係新埶字細皮類篇同大

徐本作皮細

越

注說文行越越也 案大徐本同小徐本越作速逸

下疊逸字段氏从之

巡

注說文視行兒 案巡當作巡小徐本視作延此从

大徐又篇韻引說文兒皆作也與二徐本異

趣 注說文走兒 案段氏从小徐本及廣韻作趣此與

類篇竝从大徐

駟 注說文馬順也衛宏通作駟 嚴氏云此亦認定古

文官書

緇 注方言繞緇謂之襦郭璞曰謂衣督脊 案襦襦

誘从木掩誘从丩據宋本及類篇正盧校方言四禮止

作督

紉 注儀禮作紉約 案嚴氏謂依說文非一字而類篇

韻會竝與此同儀禮聘禮注及釋文均可證經典之字

未可概以說文繩之也

訥 注懇田兒 案經義从心據宋本及爾雅釋詁注正

訓 注周禮士訓鄭司農讀 案士據宋本及周禮

地官正

屯 注說文難也象艸初生屯然而難別易屯剛柔始交

而難生 案說文屯作屯从中貫一一地也此上加ノ
非注艸下套木之二字當補引誘別據類篇正

窀 注長理謂之窀 案埋醜理據宋本及類篇正

楡 注說文母枇也 案說文作母枇類篇同段氏云據

爾雅釋木當作母枇

朝 注說文引周禮孤乘夏朝一下棺車 案春官巾車

朝作象與叔重所引異一下套日字據二徐本補

備 注廣雅貯也 案釋器下貯作貯

侖 注縮作侖 案說文△部縮文作侖類篇从△从

侖作侖與此同誤

始 注說文潛於神泉 案說文於作于泉作淵

媚 注說文媚家也或作媚猶作睨 案增譌从女據說

文正說文猶作媚卽如字

緇 注經寃搖動兒 案寃當作冤類篇亦誤

壘 注說文塞也引尙書鼉壘洪水篇作壘 案說文壘

本作壘小徐本正文及注同大徐本注作壘鼉與二徐

本合宋本及類篇作餘篇竝作猶韻會亦然今據正

闕 注說文城內重門也 案二徐本及類篇韻會同段

氏校本改內爲曲

涸 注說文水名 案說文涸作涸補音苦頓切段氏據

宋本說文及此書正改音於眞切又二徐本及類篇名

竝作也

鬪 注說文馬鬪白雜毛黑 案二徐本黑作也段氏據

此及類篇正

礪 注山海經東山之南有礪石 案卷四東山經石作

山宋本及類篇同今據正

寘 案 寘 注古作壘 寘 注說文壘作壘類篇寘作寘今

據正

鎗 注博雅鎗矛戟也 案子謬矛戟謬戟據宋本及廣

雅釋器下正

瑣 注場也 案瑣謬瑣據宋本及廣韻類篇正

磧 音下珍切注難也 案廣韻下珍切磧鞭也噴難也

此噴字失收磧訓難見太元磧陽氣微動注

砮 注石也 案類篇也作名

衲 注戒衣也 案戎謬戒據宋本及晉書輿服志音義

正

姁 注女始粧也 案宋本及類篇無也字

袖 注以巾覆物也 案袖譌从衣據宋本及類篇正

舛 注取也 案舛譌从又據類篇正

莖莖莖莖 注古作莖莖莖 案據說文當作莖莖莖

藜 音气鄰切 案乞譌气切譌切據宋本及類篇正

聞嘗 注說文和悅而諍也或从山 案嘗譌嘗說譌悅

中譌山據宋本及說文正

醫墜 注說文語聲也古作墜 案墜譌从土據二徐本

正

睿 注如貉八目 案山海經五中山經作人目此本玉

篇

湑 注湑淪水回旋兒 案湑譌湑據宋本及類篇正

涪 注涪鄰水流曲折兒 案鄰譌从邑據文選郭璞江

賦正

因 注說文回也 案因譌因據宋本及說文正

頰 注說文持綱細也 案紐譌細據宋本及說文正

隕 注墜也 案類篇墜作隊今據正

菌 注菌桂出交趾 案宋本及類篇趾作阯

輶 注車軸也連曰輶 案相譌也據廣韻類篇韻會正

卷 注昫卷縣名在安定 案昫漢書地理志从目作昫

宋本及類篇同今據正

蒼 注爾雅蒼牛藻似藻葉大 案類篇同依爾雅釋艸

則正文及郭注並當作藻

總 音旨旬切 案巨譌旨據宋本及類篇正

十九臻

乘 注通作榛 案左思蜀都賦榛栗罅發李善注榛

與榛同孫與人同年 同元 云秦辱一聲之轉

華 注獸名 案後疏榛切作華與類篇合

蕪 注說文艸盛 案二徐本盛下有兒字

彙 注說文衆盛也引逸周書疑沮 案說文木部彙注

引逸周書曰疑沮事闕今攷文酌解七事三聚疑沮事
彙或聚字異文闕者謂未詳其義故闕之段氏依玉篇

於疑上補彙字此及類篇上下並奪尤非

桑 注說文一曰役也 案二徐本同類篇役譌役

糲 注粉澤也粥癢也 案廣韻類篇韻會一切經音義

十五引通俗文澤並作滓今據正癢當从宋本及類篇

作凝

批 注說文從上挹也博雅批批減也 案大徐本從作

从此木小徐掙譌从木據廣雅釋詁二正

鮮 注魚名長尾兒或省鮮 案魚下名字衍鮮上當補

作字

釋

注廣雅釋釋也

案釋州未見釋當从類篇及正文

作釋

棧

注取盛兒漢書蔡棘棧棧

案此見息夫躬傳班馬

字類引同毛本棧作棧誤

二十文

文

注說文象文文

案交文詁文文據宋本及說文正

駁

注說文引春秋傳文馬百駟畫馬也

案二徐本文

馬作媽馬與正文異段校本正文及注並作媽又增文

馬二字於百駟下

駝

注班鼠 案班誦班據玉篇正

闕

注說文知闕也古作暗闕

案小徐本知闕作知聲

篇韻引同此與類篇从大徐古文闕大徐作暗小徐作

翻此作晒

闕 注說文弘農湖縣有闕郡 案闕當作闕注鄉譌郡

據宋本及說文正

青 注鳥文山海經玄母之山有青鸞 案名譌文據類

篇正母當从類篇及山海經十六大荒西經作丹郭注

出黑丹也

券 注說文艸初生其香分布 案券譌从山據宋本正

後榜亦當依說文作榜

券 注詩傳券券雲白 案雪兒譌雲白據宋本及詩傳

南山毛傳正

闕 注說文闕連結闕紛相牽也或作闕 案闕譌从

門 注闕譌闕據說文門部正闕當从類篇門部作闕

餽 注亦作餽 案說文作餽段校改餽注餽當从二徐

本作僨

至葉空 注掃除也古作空 案說文空讀若葉非作葉

也此作葉尤非古文空未詳或當从說文篆體作尙場
諄从手竝正

紛 注中謂之紛 案巾諄中據宋本及類篇正

黃 注說文雜香一曰艸求多實 案香下變艸字據說
文補木諄求據宋本正

漬 注通作漬 案類篇欠部無漬字當依詩周南作漬
賴 注說文淮陽名車陸穹爲賴 案類篇同二徐本陸

穹作穹陸

叢 注說文叢八尺而兩面 案兩諄兩據說文正

勃 注牡牛也 案類篇牡作牝

幘 注說文馬纏縷扇汗也 案汗諄汗據宋本及說文

穎菘 注或从芸 案菘當从穎篇耒部作菘本注亦可

證

妘嬈 注古从鼎 案此小徐本古文也大徐本作妘注

鼎譌鼎據宋本及類篇正

頰 注持綱細 案紐譌細據宋本及說文正

噴 注博雅吐也 案廣雅釋詁四噴作噴

輓 注說文大車後屬也 案壓譌屬據宋本及說文正

熿 注說文从少从黑少黑熏象也隸作熏 案當云从

中从爨中爨象也隸作熏此書凡从黑从熏者竝誤

勳 注說文能成王功也 案說文作勳當據正

君商 注古作商 案類篇商作商

軍 注說文圍圜也 案圍譌圍據宋本及說文正

駮 注博雅駮斲腋也 案駮譌腋據廣雅釋言及類篇

正

樨 注弋在牆曰樨 案爾雅釋宮弋作杙弋杙古通用

羣屬

注古屬 案屬當作屬古下夔作字據宋本補

君

注亦書作君 案類篇同韻會君作君

碩

音旁君切注石落聲春秋傳聞其碩然 案語見公

羊儂十六年傳類篇旁作滂汪氏云釋文音芳君切此

輕重唇之別

二十一欣

斲

注說文閭也引司馬法善者斲民之善開民之惡

案斲譌从火閉譌从干據宋本及說文正

濼

注說文水出潁川陽城少室山 案類譌潁據宋本

及說文正

勤

音渠巾切 案類篇同勤紐字類篇亦有音渠斤切

者斤字是也

塵 注說文少劣之名 案二徐本名作居類篇同段校

改尻

初 注漢侯國名 嚴云初不得有渠巾切珪案班表師

古音其力反

董堇苺 注說文黏土也 案據說文當作堇堇苺米本

堇作堇亦通

梓 注簣版 案簣譌从貴據宋本及方言五正

二十二元

籛原源 注說文水泉本也或从泉亦作原源 案正文

籛下當補原字

遼 注說文高平之野人所登 案遼譌遼據宋本及說

文正

沅 注說文水出牂牁 案說文牂作牂與牂字偏旁同

段氏依二志改牂爲柯

鮪 注魚名 案此與下蠶字重文複當存彼刪此合上

蠶 下所補原字適符元紐文三十九之數

牝 注山海經乾山有獸狀如牛而三足名曰牝 案卷

三北山經作獬畢氏謂俗从犬非此與類篇从牛蓋本

玉篇

爰 注說文引也謂引詞也 案下四字類篇亦有之乃

解釋說文語非叔重語也

垣 注說文牆也古作垣 案古當作墀

瀆 注水流白 案兒譌白據宋本及廣韻正

榱 注方言榱籜所以絡絲者漢有榱絡古 案絲譌絲

古上終譌絡並據宋本正

椶 注木名柳 案柳下當有也字爾雅釋木椶椶柳注

或曰柳當爲柳乃此注所本類篇作柳亦通

媛 注媛媛免行也通作爰 案兔媛免據類篇正詩王

風作爰陸書無異文

媛 注方言媛恚也不欲唐而強荅 案方言六唐作唐

荅作禽類篇與此同

鷓 注鷓鷓小鳥名 案鷓鷓鷓據類篇正宋本作鷓亦

誤

鷓 注莊子南方有鳥名曰鷓 案鷓下查鷓字據秋水

篇及類篇補

督 注目無明也廢井也 案督督督廢上查一曰二字

據類篇改補

陞 注石之似玉者 案陞諷陞據類篇玉部正宋本作

睚亦談

襍 注方言襍襍謂之襍 案宋本襍作襍與本書苦遠

窘遠二音襍注合方言四及類篇並與此同

輓 注說文一曰抒若輓古从革从宛 案井譌若據

宋本及說文正古以革或从宛亦說文語此以作从宛上變或字並誤

蕙 注博雅痿蕙敗也 案廣雅釋詁四無敗字

嫫 注博雅嫫嫫好也 案此見廣雅釋詁一字當作嫫从大不从犬

廡 注周禮陶人爲廡 汪氏云葉抄釋文廡又音言各

本誤喑

嫫 注舉也 案擇譌从女類篇同據篇韻正

禱 注祭也 案禱譌从衣據類篇正

欵 注說文引春秋傳欵公出于淖 案此左成十六年

傳文宋本及說文于作於

鸞 注說文飛兒 案鸞鸞从馬據宋本及說文正

揀 注揀子携蒲采名 案類篇同宋本蒲作蒲

鸞 注鸞也 案注鸞鸞从侃據宋本及說文正

翻 注亦作拏文二十二 案拏鸞从弃據類篇正二十

二當从宋本作三十二

轄 注群也韋平方也 案羣鸞群平鸞乎據宋本及類

篇正

播 注說文幅胡也 案播鸞播據說文正

播 注堅木不華而實 案播鸞从手據宋本及類篇正

番 注數也 案番上譌从米據宋本及類篇正類篇番

入采部

瀟 注說文大波也 案瀟謬瀟據說文正

賁 注山海經桂林入樹作賁隔 案舊本山海經十海

內南經賁謬番畢氏據水經注及李善文選注所引訂
注八謬入在謬作今並校正

蕒 注蕒蕒艸名 案爾雅釋艸蕒蕒蕒蕒不从火郭注

一名洗蕒一名蕒卽藥中知母此以蕒蕒連讀蕒又作
蕒宋本作蕒並誤

蕒 注文十一 案當从宋本作文十三

勑 注健也 案健謬从彳據類篇正

蕒 注概也 案概謬从木據廣韻類篇正

蕒 注或作蕒 案蕒謬蕒據說文類篇正

緝 注說文冤也 案說文冤謬冤當據此及玉篇正之

緝 注博雅緝襜帳也 案王本廣雅釋器上帳作幘說

已見前

璠 注說文遠而視之 案類篇同二徐本視竝作望

番 注說文獸足謂之番從來田象其掌 案从采詔从

來據宋本及說文正

甌 注博雅甌瓠博也 案廣雅釋室及類篇博作甌今

據正

鶻 注鶻鴟鳥名或从隹 案正文鶻字斷爛據注文

及類篇補

藩 注爾雅藩沈藩一曰提母 案釋艸郭注提作蜺陸

書無異文

檇 注說文蕃也 案藩譌蕃據宋本及說文正

繫 注泉名在魏郡 案繫上譌从敬據類篇正

樊 注說文驚不行 案類篇驚作繫段校說文改驚此

與二徐本及玉篇同

騷 注騷駢馬躊躇不行也 案類篇也作兒

二十三覓

頤 注頤頤禿無髮也 案頤譌从困據宋本及說文篇

韻正

脰 注博雅脰脰餅也亦作餽 案廣雅釋器下釜王木

據此及類篇補一切經音義十五北戶錄注竝作餽餽

麤 注方言麤也 案麤譌从芻據方言十三正

渾 注說文一曰沔下 案二徐本沔下下竝有兒字

榘 注說文梳木末析也或从困 案榘譌从困未譌

作末據宋本及說文正

樺 注說文一曰犁上出木 案宋本木下有也字二徐

本及類篇竝無今仍之

輶 注說文輶輶也 案小徐本輶作輶此从大徐

驪 注山海經太行山有獸狀如騮駼四角而距名曰驪

駮 案卷三北山經駮駮作騮羊距上有有字駮下無

騷 騷字類篇吁韋切不誤胡昆切竝與此同

緡 注周禮十羽謂之緡一曰百羽 汪氏云周禮羽人

十羽爲審注引爾雅百羽謂之緡丁氏誤合爲一

澗 注燉澗鬱熱兒 案澗澗澗燉據文選宋玉賦

正熱當作熱

梳 注博雅梳枝也 案廣雅釋木枝作支支枝古通用

悞 注博雅悞悞亂也 案慈諷悞王本廣雅釋詁三據

篇韻一切經音義所引訂正類篇與此同

獸 獸獸 注說文昆于不可知也或作獸獸 案重文中

當从眾注于當作干段氏依篇韻改昆爲獸謂此蓋古

語讀如覓寒二音不可知之意也若云汗曼又歡說文
入欠部類篇與鰈並入魚部鰈入角部

焜 注服虔曰明也 案虔當作虔服注見左昭三年傳

釋文

鴨 注爾雅雞三尺爲鴨一曰陽溝巨鴨古之雞名 案

一曰以下釋畜郭注雞名當作名雞

賈 注籀作𧰨 案賈誘从負霜誘从鼎據說文正

盥 注宮溥說 案官誘宮據宋本及說文正

楹 注杉也 案宋本杉作柱類篇烏昆切訓杉又訓杜

此書溫紐又復出楹字訓根未詳其故

媼 注博雅媼媼病也 案媼誘从女據廣雅釋詁一正

𧰨 注博雅𧰨𧰨瓜屬 案廣雅釋艸作𧰨𧰨

媼 注說文禮娶婦以昏時籀作媼 案媼誘媼昏誘

昏籀文變譌髮注又譌髮據竝二徐本正

悵 注說文悵也或作悵悵 案說文悵訓悵悵亂也悵

當作悵悵不悵也雖非一字補音竝呼昆切惟不悵故

亂義亦略同惟悵音義迴殊類篇亦無呼昆一音

歇 注歇歇不可知也 案類篇歇作歇今據正

闕 注說文常以昏閉門隸也 案闕當从二徐本作闕

緡 注爾雅綸也 案釋言緡作緡

潛 注潛潛未定兒 案潛譌潛據宋本及類篇正

髡髡 注說文髡髮或从元 案二徐本上作髡下作髡

當以髡爲正據注文本以从元爲或體也類篇則上髡

下髡注云或从兀

臄 注博雅臄尻也 案臄譌臄尻譌尻據廣雅釋親正

尻乃古居字

𣎵 注刊木枝也 案類篇𣎵作𣎵

垠 音五斤切 案斤當从宋本及類篇韻會作根

奔 注門外謂之趨天路謂之奔 案奔上譌从夭注趨

鵠 趨大譌天據宋本及爾雅釋宮正

鵠 注山海經太行山有鳥名曰鵠鵠 案鵠下行鵠字

據卷三北山經及類篇刪宋本作鵠鵠尤誤

噴 注說文叱也 案吒譌叱據說文正

盆 音步奔切 案宋本及類篇韻會步皆作蒲今據正

嶠 注山形似瓮 案瓮譌瓮據宋本及類篇正

藎 注說文色如鸞鬣禾之赤苗也 案藎當作藎注聲

上譌不从艸據說文正

頤 注說文繫頭頤也或从昏 案二徐少竝作頤

汶 注汶濛沾辱也 案類篇同韻會作汶汶玷辱也

悅 注吊服 案悅譌悅據宋本及類篇正注吊字俗書

从類篇作弔

鸚 注山海經崇上山有名曰鸚鸚 案卷二西山經止

作蠻蠻此本玉篇

蕪 注說文香艸 案此係新附字

蠖 注方言蠖蚶南楚謂之蛀蠖 案蜻蚶譌蠖蚶據方

言十一正又蛀蠖之蠖方言止作孫

羹 注羹羹鼎欲沸兒 案注義本周禮夏官挈壺氏注

當作羹類篇作羹尤誤

算 音租昆切 案類篇同宋本租作祖

存 音租昆切 案宋本及類篇韻會昆竝作尊今據正

郁 注柳耶縣名在犍爲 案耶譌耶據宋本及漢書地

理志正

惇 注說文厚也右作惇 案惇見說文十篇心部注

厚也補音都昆切惇見十篇立部注磊崢重聚也補音

丁罪切音義迥殊此惇蓋卽惇字之譌古譌右今並正

鶉 注莊子鶉居而噉食 案此見天地篇下而字衍釋

文鶉止音涑

錞 錞 注或作錞 案錞當作錞注錞譌錞據宋本及類

篇正

犖 注犖也 案犖譌从于據宋本及類篇正

犖 注牛名 案類篇都昆切有犖字在犖字下注黃牛

黑犖此失收

愾 注愾恨必不明也 案愾譌恨心譌必據宋本及類

篇正

嘒 注說文引詩大車嘒嘒諫作嘒 案嘒譌嘒據宋本

及說文正注引詩嘒嘒大徐本同當從小徐本作嘒嘒
方與隸體異

燿 注說文引春秋傳燿燿天地 案燿大徐本同當从

小徐本作燿段氏云此槩括鄭語傳當作國語

渚 注說文引爾雅太歲在申曰渚灘史作渚 案史記

歷書渚灘索隱作渚漢集解一本作芮漢

屯 注通作敦也 案屯當從說文作屯注也字衍

池 注小流兒 案水譌小據類篇正

叔 注說文从又持肉以給祀祠 案叔當從說文作齋

類篇作臚亦誤祀祠當从宋本及二徐本作祠祀

簸擻 注說文榜也博雅从手 案廣雅釋詁三簸擻擊

也字不作擻

屯 注楊子春木之屯兮一曰愚屯無知兒 案屯譌屯

據宋本及楊子法言寡見篇莊子齊物論正注文亦可證

囿 注虞也 案廩譌廩據類篇正

陷 注說文山阜陷也 案陷譌陷據說文正

喻 注崑崙山名 案類篇崑作崑

磨 音奴昆切 案磨上失囿闕據本書通例補

二十四痕

燧 注同 案燧當作燧類篇與此同誤

陷 注阮也 案阮譌阮據類篇正

二十五寒

爨 注說文从人在火下从艸薦覆之下有火 案爨中

譌从刀注譌譌艸據說文正从鞞之从大徐本作以小

徐本作從類篇及段校本與此同

糞 注爾雅或糞漿郭璞曰今酸漿也 案注也字類篇

無郭注作艸

輟 注膜也 案輟譌从車據類篇正

輜 注或省 案輜譌从車據宋本及類篇正

看 注或从翰 案翰作翰誤注斲譌翰據類篇正

迂 注一曰遮也 案遮譌遮據類篇正

奸 注說文犯也 案類篇同大徐本犯下有姪字小徐

本作淫

竿 注說文竹挺也 案挺譌挺據說文正

盂 注博雅盂謂之盤 案廣雅釋器上盤作槃

斫 注甯戚歌曰南山斫 案甯戚當作甯戚

鞞 注說文馬鞍具 案鞞譌鞍據宋本及說文正

盜 注博雅盜殘孟也 案盞譌殘據廣雅釋器上及類

篇正

餐滄 注或从水俗作滄非是 案注滄譌滄據韻會正

𡗗 音財千切 案干譌千據宋本及類篇正

奴𡗗 注亦作𡗗 案類篇𡗗作𡗗

𡗗 注說文禽獸所食餘也 案胡譌从夕據說文正類

篇作𡗗同

幪 注幪也 案幪譌幪據宋本及類篇正

戕 注外殺曰戕 案曰譌曰據宋本及類篇正

嶧 注山孤者曰嶧 案孤下𡗗高字據類篇正

丹甘彤 注古作甘彤 案說文丹作丹古文作𠄎隸當

作日類篇作日亦誤此作甘苦之甘尤非彤當从說文

及類篇作彤說文別有彤字訓丹飾補音徒冬切

輶 注輶輶車名 案輶譌輶據玉篇正類篇與此同而

車部有轆無輹本書十虞劬紐亦不收輹字又玉篇輹
下注輹也輹下注車輹也不訓車名名當係輹字之譌
後二僊時連切可證

揅 注鞏揅宛轉也 案學譌从革據宋本及廣韻正類

篇也作兒

譴 注方言譴謾或語 案欺譌或據方言十及類篇正

幘 注敝兒詩檀車幘幘 汪氏云釋文幘有勅丹反一

音

緝 注滯緩也 案帶譌滯據類篇正

儻 注說文何也 案大徐本何上有儻字小徐本及類

篇韻會竝無

單 注鄭有襟邑大夫單伯通作檀 案單伯見史記鄭

世家檀譌从手據宋本及左桓十五年傳史記索隱正

索隱謂檀作單誤

調 注詆譏也 案二徐本同宋本及類篇詆作抵段氏

校本从之

囀 注通作蘭 案通作類篇作或从羈疑注文蘭係囀
字之誤

備 注說文所以成弩矢 案盛勳成據宋本及說文正

襦 注衣與裳連曰襦或省 案韻會襦襦从巾以从

衣者爲俗類篇惟襦作襦

襦 注襦襦色襦也 案鳩馮襦據類篇正

綱 注爾雅博者謂之綱或从蘭 案搏馮博據宋本

及爾雅釋器正惟釋器从蘭陸書亦無異文

鷄 難離 注說文鳥也或从住古作雞離 案雞大徐本

作雞段氏從小徐作雞今據正類篇作雞亦誤又類篇

離作離存參

二十六桓

璣 注說文璣圭公所執 案注璣字二徐及段校本並

作桓類篇與此同

岨 注亦書作地岨 案朱本及類篇韻會並先岨後地

今據乙

琬 注以黍和灰而髮也 案坑謬琬據宋本正類篇髮

作髮髮卽髮字重文

芄 注爾雅作萑 汪氏云釋艸萑芄蘭是芄蘭一名萑

並非一字此誤

莞 注說文艸也可以作蓆 案朱本及說文類篇蓆並

作蓆今據正

菴 注說文菴也 案菴譌从重艸據說文正

莧 莧 注山羊細角者或作莧 案莧譌莧據說文正莧

當从類篇作莧

獮 注說文引周書獮有瓜而不敢以獮 案爪譌瓜獮

譌獮據說文正

麋 注鹿三歲也 案篇韻皆云鹿一歲類篇與此同

歌 注古作筮文一十七 案筮下从心此从心類篇

作筮竝誤一當依宋作二

雞 注說文雞專鬲雞 案二徐本同爾雅釋鳥作鷄鷄

類篇作鷄柔竝與許書異

鷓 注鳥名人面鳥喙 案鷓偏旁从日不从月月古文

丹字隸作鷓鄭季宣殘碑虞放鷓口雖作鷓與類篇合

鷓 注鷓喙四內之一通作鷓 案尚書大傳及玉篇竝

作鷓此作鷓類篇作鷓入肉部竝誤

窳

注或作糞

案類篇糞作糞與窳字並入大部

寬

注說文屋寬大也

案說文寬从寬不从寬凡从寬

者放此

官

音古丸切注古作𠄎

案宋本古作𠄎類篇與此

同類篇官作官入自部與說文合古文官作𠄎

冠

注說文冠有法制以寸 案從譌以據說文正

觀籒

注古作籒

案類篇作籒籒據說文古觀字

當作籒

棺

注古作棺俗作棺非是

案古體从前文當作案

從類篇當作案此作案非俗棺字當從宋本作棺

母

注說文穿物持之也从一橫貫象寶貨之形 案母

譌母據說文正

糞

注爾雅糞其蘭謝橋讀

案嶠譌从木據宋本及釋

文序錄正

碗 注歎也 案注義本方言十三類篇歡作勸非是

蜿 注博雅蜿蜿蠃蠃動也 案今廣雅釋訓變動字王

氏據此及類篇補

潘 注說文浙米汁也 案浙譌从折據宋本及說文正

飶 注飶故輒也 案瓶譌故據廣雅釋室及一切經音

義十三引埤蒼正

播 注博雅輩也 案一切經音義七引作𦉳類篇同今

本廣雅未見王氏於釋詁一同儕等下補𦉳字輩作輩

華 注說文箕屬 案卅譌華據說文正

般 注爾雅樂也 汪氏云蒲官切釋文作蒲安反蓋陸

氏作釋文時陸法言未作切韻無寒桓之別此類非異

音也釋文補中概不采入

胛 注禮心廣體胛 案類篇胛入半部汪氏云釋文步

丹反

嫫 注博雅嫫嫫在來也 案徃譌在據宋本及廣雅釋

訓正

繫紃 注馬鬣上飾或作紃 案紃譌紃據宋本及本文

正類篇馬下誤夤鬣字

礪 注一曰以石箸堆繫也 案雉譌堆據說文正

鷲 注山海經北戴山有鳥名曰鷲鷲夜飛翬伏郭璞曰

鷲鷲屬 案鷲譌鷲據卷三北山經正又原文夜作宵

郭注屬上有之字

澗 注水澗也 案韻會澗作回今考後漢書王景傳注

澗水流兒則作澗亦通

彥 注大也常也 案彥當从類篇作彥

蕭 注說文从北 案廿譌北據宋本及說文正

帑 注說文相當也 案帑譌帑據說文正

謾 注說文欺也 案注下二字斷爛據宋本及說文補

顛 注顛預大面 案頂譌預據宋本及玉篇正

髮 注髮美 案美下髮兒字據宋本及類篇補

鄭 注鄭邑名 汪氏云釋文鄭莫干反

鰓 注說文魚名 案二徐本名皆作也

巖 注汗也 案汗譌汗據說文類篇正

殺慶 注或从鹿 案慶譌慶據類篇正

鑽 音祖官切 案鑽譌从贊據說文正祖當从類篇作

祖

攢 注禮祖黎曰攢之 案祖譌从示據宋本及禮內則

正

纒 注說文直轅最纒 案纒譌从日據小徐本及類篇

正汲古本作纂非是

窳 注入穴也 案類篇也作兒

纂 注禾聚也 案纂中譌从日據篇韻正

敢挫 注或作挫通作攢 案挫譌从手攢譌从禾據類

篇正

僣 注皆也 案僣譌皆據類篇正

端 注布帛六丈曰端 案禮曾子問疏丈八尺爲端左

昭廿六年傳注二丈爲端小爾雅亦曰倍丈謂之端此

與類篇皆云六丈未詳所出

籒 注博雅籒籒祧支也 案桃譌从丌據宋本及廣雅

釋艸正

蕤 注蕤蕭梁四公子名 案梁四公子傳蕤作蕤轉注

古音楚音頤類篇亦誤从戈然類篇麥部有楚無楚則
字當从弋無疑矣

箠黃 注或省 案黃譌黃據宋本及類篇正

駘 注說文截也 案駘見說文昔部類篇同此作駘誤

颶 注塽風也 案搏譌从土據宋本及類篇正

駮 注說文引詩匪駮匪蕩 案駮譌駮據宋本及說文

正

溷瀟 音奴官切 案水經瀟水下鄖注瀟難聲相近卽

今溧河段氏謂字本作溷瀟而爲瀟

鸞 注說文赤神靈之精赤色五彩 案神上赤字藝文

類聚埤雅韻會並同段氏校本从之二徐本均作亦彩

當从類篇作采

鑿 注說文人君乘車四馬鑿八鑿鈴象鸞鳥聲 案鑿

訪从鹿據宋本及說文正

樂 注說文木似欄禮天子樹松諸侯大夫樂 案欄韻

會引作欄檢說文木部欄欄竝無段氏改棟爲欄據考

工記幘氏文也諸侯下夔柏字宋本同據二徐本補

魯 注說文曰旦昏時 案日譌曰據說文正旦二徐本

及類篇同段校改且

闕 注道入宮掖也 案安譌道據說文類篇正

羸 注羸網也 案羸當从類篇作羸羸足與鹿足同

二十七刪

獮 注曰惡健犬 案曰上夔一字據宋本補

潛 注說文涕流兒 案潛當从說文作潛

劓 注博雅稱謂之劓 案廣雅釋器上籍作籍王氏校

本作籍謂之笄謂舊本誤夔笄字劓屬下文匠匱笄也

爲一類

媯 注漢書媯咲三代 案類篇班馬字類引同宋本及

毛刻漢書諸侯王表咲止作笑

辨 注說文繼絹从糸貫杆也 案辨當依二徐本作弊

玉篇絹作緝與二徐本異从糸之从大徐及宋本同小徐本作從段氏據玉篇類篇改曰

欄 注手相關付也太玄欄神明而定摹 案太元元攤

注欄關也若手相關付故字有手也類篇不誤此正文及注並从木非

鏹 注說文引虞書罰百鏹 案二徐本同段氏依古本

削虞字

剗 注樓剗縣名在武威 案剗諱剗撲諱樓據漢書地

理志正撲剗孟康音蒲環

庀 注說文屋北瓦下 案各本說文北皆作北段氏从

廣韻改壯

矐 矐 注大目兒或作矐 案矐譌从俞據宋本及類篇

正

患 注弊也 案患下患上套據宋本及類篇補以足還

繼文三十之數

總 注山海經句山有獸名曰總 案卷一南山經句作

洵一作旬此本玉篇然宋本及類篇皆作旬當據正

菴 注說文艸出戾林山 案吳譌戾據說文及山海經

五中山經正

蘭 注蘭也亦妙 案姓譌妙據宋本及史記淮南厲王

傳索隱正

鬣 注寡髮也 案鬣譌鬣據類篇正

椈

注木名似種 案禮語从禾據宋本及廣韻正

𦉳

音呼開切 案關語開據宋本及類篇正

須

注班也禮笏大夫以魚須文竹 案韻會班上有魚

字須音班見禮玉藻釋文

兆

注說文引也隸作卂 案平語兆據說文及類篇

正又類篇卂作卂

蠻

注說文南蠻蛇種 案大徐本種作種

蔓

注蔓菁蔬名徐邈說 汪氏云徐音見坊記釋文

二十八山

山

注說文宣氣散生萬物 案說文氣作气散作散

汕

注魚摻也 案慘語从手據類篇正

澹

注困澹水兒 案圖澹困泣竝見郭璞江賦此爲澹

字注腳不當作困今據宋本及類篇改

狶 音文山切 案文選文據類篇正

疒 注疒繼膝病 案膝當作膝下地注同類篇作膝亦

誤

矐 注說文江淮之間謂矐曰矐 案今本矐作眊段氏

據宋本說文類篇及此正

蜎 注一曰蜎蝠也 案蜎蝠據類篇正

輦 注博雅輦輦輦也 案輦謂輦據廣雅釋詁一正類

篇亦誤然邱耕切輦下引博雅邱閉止忍二切輦下不

引博雅則字當作輦可知

擊 注博雅固確擊也 案廣雅釋詁一確作確音義同

輞 注說文車輞鈎也 案大徐本鈎作鈎小徐本作鈎

下有聲字段校本改弘聲宋本鈎作鈎尤誤

辛 注罪也 案說文辛从干二干古干字二古文上此

作卒非罪當作舉

開 注說文陳也古作開 案開係古文開開字古文二
徐本作開段氏校本改開謂中从古文月各本篆體及
汗簡等書皆誤

𧈧 注說文土難治也古作𧈧 案𧈧譌𧈧據二徐本
正宋本作𧈧亦誤

𧈧 注黑也或作𧈧 案當从類篇作𧈧

𧈧 注牛尾包謂之𧈧 案色譌包據類篇正

𧈧 注大爭曰𧈧 案犬譌大據宋本及玉篇正

𧈧 注犁鉏也 案鉏譌从干據類篇正

辨 注瓜中實也沈重說 汪氏云沈音見碩人釋文

嚴氏云宋本四十三葉末葉六行

集韻考正卷之二